

Pe'ape'a i te 'āua fa'afa'aeara'a

Huti pūai d'era Hunter i te aho. « E'ita vau e parau i te reira mau parau ».

Nā Diana Evelyn Nielson
(Nō roto mai i te hō'ē 'āamu mau)

'Ua tupu teie 'āamu i te fenua Marite.

'Ua horo haere Hunter nā roto i te 'āua fa'afa'aeara'a e tōna mau hoa. 'Ua 'ata'ata 'oia 'a 'ite ai 'oia i te mata'i i te revarā nā mua iāna. E au ra iāna ē, e mea vitiviti roa 'oia 'e te māmā!

Nā mua Kyle i te tāpe'a i te 'āua. « 'Ua rē iā'u! » 'ua tuō 'oia.

Tāpae mai nei Hunter i te 'āua, mā'a taime noa i muri mai. « 'Aita i tano! 'Ua hā'amata 'oe nā mua »

« 'Ē », 'ua parau Miguel. « 'A horo na i terā tumu rā'au ra! »

'Ua hā'amata fa'ahou Hunter i te horo. I tera taime, 'ua tāpe'a 'oia nā mua i te tumu rā'au. Tei muri noa mai rā 'o Miguel iāna.

« 'Ua rē iā'u! » 'Ua parau Miguel.

« 'Aita, 'ua rē Hunter », parau d'era Piper.



« 'Ē », 'ua parau Kyle.

Tūfene iho ra Miguel i tōna nā rima. I muri iho, parau d'era 'oia i te hō'ē parau 'ino.

'Ua 'ata d'era te tahi mau tamarī'i. 'Ua fa'ahiti fa'ahou Miguel i te parau 'ino, 'e 'ua 'ata fa'ahou rātou.

'Oto roa d'era Hunter i roto iāna. 'Ua 'ite 'oia e 'ere teie parau i te mea maitā'i 'ia parau.

'Aita rā 'oia i hind'aro 'ia fa'ao'ō'ohia 'oia. 'Aita 'oia i parau d'e hō'ē parau.

'Ua parau Piper i te tahi atu parau 'ino. I muri iho, 'ua parau mai ra Kyle i te tahi.

« I teienei, e parau 'oe te tahi atu, e Hunter », parau mai ra Kyle.

« 'Ē, haere », 'ua parau Miguel. « 'A parau i te hō'ē parau 'ino 'āpī ».

'Ua huti pūai d'era Hunter i te aho. « 'Aita vau e parau nei i te reira mau huru parau ».

Parau mai ra Kyle, « 'aita te paraurā i te hō'ē parau e hā'amāuiui ia 'oe ».

« 'Aita vau e hind'aro », parau d'era Hunter.

« E aha ho'i ri'arī'a 'oe? » 'Ata d'era Miguel.

'Ua 'ahu te hōho'a mata o Hunter. « E haere au e hā'uti i te tahi atu vāhi ».

'Ua tāmau noa te to'e'a o te mau tamarī'i i te 'ata 'e i te parau i te mau parau 'ino. 'Ua hind'aro roa Hunter e horo 'ē. 'Aita te 'āua fa'afa'aeara'a i te mea 'ārearea i teienei. « E fārerei fa'ahou tātou », 'ua parau marū noa 'oia.


Tu'u d'era Hunter i tōna nā rima i roto i tōna nā pūtē 'e 'ua haere marū atu ra nā mua i te tahi atu mau tamarī'i. 'Aita 'oia i vitiviti 'e i māmā fa'ahou. 'Ua teimaha roa ra 'oia.

'Ua 'ite atu 'oia ia māmā 'e ia pāpā e pārahi ra i ni'a i te hō'ē pārahi'ā. Tu'u d'era pāpā i tāna buka i raro. « Mea maitā'i 'oe? »

Hā'ape'e d'era Hunter i tōna tapono. « 'Ua hā'amata rātou i te parau i te mau parau 'ino. 'Aita vau i hind'aro e nā reira, nō reira 'ua haere mai au ».

'Ua 'ata'ata māmā. « E mea itoito mau 'oe ».

« Tē hā'apeu nei māua ia 'oe », 'ua parau pāpā. « E



mea fifi roa 'ia rave i te mau mā'itira'a maitā'i, 'ia 'ore anā'e te tā'ata ati d'e ia tātou e nā reira nei ».

Mapu d'era Hunter i tōna aho. 'Ua 'oa'oa 'oia i te raverā i te mā'itira'a maitā'i, 'aita rā te reira i fa'ahou iāna.

« E hind'aro ānei 'oe e ho'i i te fare? » Ui atu ra māmā.

Feruri iho ra Hunter. « 'Aita ā », 'ua parau atu 'oia. Hi'o atu ra 'oia i te tahi atu pupu tamarī'i e hā'uti ra na ni'a i te zip line. « E haere au i'ō ».

'A haere atu ai Hunter i reira, tārape mai ra te hō'ē o te mau tamāroa iāna. « Hei, 'o David au ».

« 'O Hunter vau. E nehenehe ānei au e 'ou'a nā muri iho ia 'oe? »

« 'Oia mau! »

'Ua rave Hunter hō'ē taime nā ni'a i te zip line 'e 'ua 'ite d'era 'oia i te mata'i i te farararā mai.

'A hā'uti noa ai 'oia 'e 'o David 'e vetahi 'ē, 'ua 'ite fa'ahou 'oia i tōna vitiviti 'e te māmā. 'Ua rave 'oia i te mea ti'a, noa atu e mea fifi te reira. 'Ua 'oa'oa 'oia i te raverā i te hō'ē mā'itira'a maitā'i. ●

Nō te 'ite rahi atu ā nō ni'a i te raverā i te mau mā'itira'a maitā'i, 'a tai'o i Tā'u mau fa'aturera'a nō te 'evanelia i te hope'a o tā 'oe *Buka arata'i nā te mau tamarī'i.*